

stöðvar Leifs Eiríkssonar að stærð hvor um sig um 920 m². Ennfremur eru gerðar minniháttar breytingar á fyrirkomulagi bílaaðkomu að flugstöðinni.

Deiliskipulagsbreytingin var grenndarkynnt frá 5. apríl 2004 til 14. júní 2004, auk þess sem deiliskipulagsuppdráttur er sýnir fyrirhugaða breytingu var til sýnis á skrifstofu flugvallarstjóra á Keflavíkurflugvelli í Flugstöð Leifs Eiríkssonar, á venjulegum skrifstofutíma, framangreint tímabil. Engar athugasemdir bárust á kynningartíma auk þess sem að eftirtaldir samþykktu skipulagsbreytinguna með áritun sinni á skipulagsuppdráttinn. Þeir eru: Vegna flugeldhúss Flugleiða hf., Klemens Sæmundsson, vegna Flugflutninga ehf., Þórarinn Kjartansson og vegna sýslumannsins á Keflavíkurflugvelli, Sævar Lýðsson fulltrúi.

Skipulagsbreytingin var samþykkt í skipulags-, byggingar- og umhverfisnefnd varnarsvæða 25. júní 2004 og afgreidd til varnarmálaskrifstofu. Flugmálastjórn á Keflavíkurflugvelli mun taka að sér að bæta það tjón sem einstakir aðilar kunna að verða fyrir við breytinguna.

Allar framangreindar deiliskipulagsbreytingar hafa hlotið þá meðferð sem skipulags- og byggingarlög mæla fyrir um. Skipulagsbreytingarnar öðlast þegar gildi.

Keflavíkurflugvelli, 1. október 2004.

F.h. flugvallarstjórans á Keflavíkurflugvelli,

Ómar Ingvarsson, yfirmaður flugvallarssviðs.

REGLUR

um stjórn Verkefnasjóðs sjávarútvegsins og úthlutun úr sjóðnum.

1. gr.

Í Verkefnasjóð sjávarútvegsins rennur gjald, sem lagt er á skv. lögum nr. 37, 27. maí 1992, um sérstakt gjald vegna ólögmeats sjávaraflla, með síðari breytingum, auk andvirðis afla sem ekki reiknast til aflamarks fiskiskips, samkvæmt b-lið 7. gr. laga nr. 129, 20. desember 2001, um breytingar á lögum nr. 38, 15. maí 1990, um stjórn fiskveiða, með síðari breytingum (ákvæði til bráðbirgða XXIX).

2. gr.

Verkefnasjóður sjávarútvegsins er í vörslu sjávarútvegsráðuneytisins og skal verja fé úr honum til rannsókna og nýsköpunar á sviði sjávarútvegs og til eftirlits með fiskveiðum sbr. 4. gr.

3. gr.

Sjávarútvegsráðherra tilnefnir þrjá menn í stjórn Verkefnasjóðs sjávarútvegsins og er hlutverk þeirra að gera tillögur til ráðherra um úthlutun úr sjóðnum. Stjórnin skal halda fundi a.m.k. einu sinni í mánuði eða eftir því sem tilefni gefst.

4. gr.

Fé úr Verkefnasjóði sjávarútvegsins skal einungis úthluta til verkefna sem falla undir verkefnasvið Hafrannsóknastofnunarinnar, Rannsóknastofnunar fiskiðnaðarins, fiskveiðieftirlits Fiskistofu og Rannsóknasjóðs til að auka verðmæti sjávarfangs (AVS-rannsóknasjóð).

Í tillögum sínum til ráðherra um úthlutun úr sjóðnum skal stjórn Verkefnasjóðs sjávarútvegsins líta til þess hvort rannsóknaverkefni falli að langtímaáætlun Hafrannsóknastofnunarinnar eða Rannsóknastofnunar fiskiðnaðarins eða þeim sérstöku verkefnum sem Fiskistofnu eru falin vegna eftirlits með fiskveiðum. Leggi stjórn Verkefnasjóðs sjávarútvegsins til að fé sé veitt til Rannsóknasjóðs til að auka verðmæti sjávarfangs skal því varið til rannsóknaverkefna einstaklinga, rannsóknahópa, háskóla, rannsóknastofnana og fyrirtækja samkvæmt áherslum AVS-rannsóknasjóðs á grundvelli faglegs mats stjórnar þess sjóðs á gæðum rannsóknaverkefna, færni þeirra einstaklinga sem stunda rannsóknirnar og aðstöðu þeirra til að sinna verkefnum.

Stjórn Verkefnasjóðs tekur ákvarðanir um tillögur til ráðherra um úthlutun úr sjóðnum á grundvelli rökstuddra umsókna sem sjóðnum berast. Stjórnin leitar ráðgjafar umfram þann rökstuðning sem fylgir umsóknum ef þurfa þykir, að mati stjórnarinnar.

5. gr.

Skipulagsskrá Verkefnasjóðs sjávarútvegsins skal endurskoðuð fyrir árslok 2005.

6. gr.

Reglur þessar eru settar skv. 3. mgr. 1. gr. laga nr. 37 27. maí 1992, um sérstakt gjald vegna ólögmeats sjávaraflla, með síðari breytingum til þess að öðlast þegar gildi.

Sjávarútvegsráðuneytinu, 8. október 2004.

Árni M. Mathiesen.

Vilhjálmur Egilsson.

AUGLÝSING

um deiliskipulag þjónustusvæðis innan þjóðgarðsins í Jökulsárgljúfrum.

Í samræmi við 25. gr. skipulags- og byggingarlaga nr. 73/1997 með síðari breytingum samþykkti hreppsnefnd Kelduneshrepps, þann 28. september 2004, deiliskipulag fyrir þjónustusvæði o.fl. innan þjóðgarðsins í Jökulsárgljúfrum, í norðurhluta Ásbyrgis.

Í deiliskipulaginu eru skilgreind tvö aðalsvæði: Svæði fyrir verslun og þjónustu annars vegar og hins vegar opin svæði til sérstakra nota. Megináhersla er á:

1. Uppbyggingu gestamóttöku, Gljúfrastofu.
2. Uppbyggingu gistirýmis, hótels, auk 1-2 íbúðarhúsa er tengjast þjónustureitnum.
3. Stækkun á tjaldsvæði með aukinni þjónustu og allt að 8 smáhýsum.
4. Breytingu á aðkeyrslu inn á svæðið frá þjóðvegi 85.

Deiliskipulagið hefur hlotið þá meðferð sem skipulags- og byggingarlög mæla fyrir um og öðlast það þegar gildi.

Kelduhverfi, 30. september 2004.

F.h. hreppsnefndar Kelduneshrepps,

Katrín Eymundsdóttir oddviti.